

محمد صابر

أشعار المنسى

أشعار

الطبعة الأولى أبريل - 2018

بطاقة الكتاب

عنوان المؤلف : أشعار المنسى
المؤلف : محمد صابر
التصنيف : أشعار
رقم الإيداع : 8796 - 2018
عدد الصفحات : 100 صفحة
رقم الإصدار الداخلي: 181 أبريل 2018 (الطبعة الأولى)
دار النيل والفرات للنشر والتوزيع (فرع المنيا)

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



دار
النيل والفرات
للنشر والتوزيع
أسسها الشاعر ناجى عبد المنعم
عام 2017

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 01-35-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
[alnilwaalfourat](http://www.alnilwaalfourat.com) alnilwaalfourat@gmail.com
القرن الرئيسي: ج.م.ع. محافظة الشرقية - العاشر من رمضان - مجاورة 13 - امام سنترال 13 - قطار 304

الإهداء

إلى كل محبي و متذوقي الشعر
إلى أسرتي و عائلتي
إلى رفيق رحلة المعاناة في كتاباتي
قلمي
أهدي ديواني
محمد صابر

فاكرني

فاكرني انا حبيبك لو فاكرني
كل الحكايه شويه تجاعيد م الزمن
فاكرني دقق في ملامحي وافتكرك
افتكر لعب الطفوله افتكر دقات قلوبنا
افتكر لحظات جميله مش هينفع نشوفها
تاني افتكر حاول تفكر ليه ناسيها
افتكر حيطان شارعنا لما كنا نجري فيها
غيرتنا الدنيا ليه طب كبرنا بس ليه
وفترقنا يا حبيبي وكل واحد اختار طريق
شق ريقي ببتسامه ترجع الماضي الجميل

او سلام اوحتي كلمه فيها عطف يكون برئ
بيسألوني قال فاكرها ضحكت وسبتهم ومشيت
ومع نفسي قولت هوه في حد غيرها وله غيرها
في يوم حببت انا لو نسيت حبها يبقي انتهيت
انا لو هدمت قصرها مش ممكن اسكن تاني بيت
دا كل نبضه تقولها ياريت زمانا يرجع ياريت
دا لو حد قال اسمها يدق قلبي ويقول حببت
مين اللي يقدر يهزم الحب مين دا الحب مرض
بيصيب المجروحين ولا ليه علاج ليوم الدين
ولسه فكراني وله اتنسيت

وعجبي !!

ان شفته ليه بتلخبط
ولا اقدر اجمع حرف
بحس شكلي مشخبط
وف قلبي واخذ ظرف

أصلا ميت

لو هاموت انا اصلا ميت
حرام اعيش انا مش شايف
مش فارقه في السجن هبيت
راح اقول الحق ومش خايف
صنايعي وسمكري ومزيت
احسن من بيه وكمان هايف

دو غري

انا دوغري
و ماليش في اللف
ومش ذنبي
لو عقلك خف
مهرجان قال دا انت عايز كف
ده كلام حمضان ولساتك سف
يا خسارة الفن يا عالم جف
حظك ريقي ناشف
مش عارف اتف
قبر يلمك اركن في الصف
اعور وقليط
وعبيط واخنف
بنطلون ساقط وفن هابط
ولا فيه ظابط

ولا فيه رابط

قال عامل مطرب ابن العابط

قال عامل مطرب ابن العابط

حبك وضوء قلبي

حبك عندي وضوء
عشتي لعيوني ضوء
وطهاره في النية
غصنك عبير الورد
حضنك يدفي البرد
غزال طاير ع الارض
يرقص بحنية
ملكتي قلبي ملاك
استوطن وكمان ملاك
بعدك حياتي هلاك
يا قلبي وعنيا
انتي الحياه ف الكون
حني الحنان ياحنون
قمر جميل مزيون

ياحمامه ع الغية
انا شوفته قلبي دق
وتدق في المدق
عجن قلبي ورق
ياحلاوه طحينية
الوش اجمل وش
ابيض مفوهش غش
عشعش في قلبي عش
مين قال منسيا
دا انتي الحياه ع الارض
حبك الطول والعرض
وانتي الشيك والقرض
لو دار الزمان بيا
انا وصفي فيكي قليل

يا اجمل المواويل
يا عربي انت يا خيل
دي حياتي ياناس هيا
اخترتك وحبك زادي
يا اصلي يابنت بلادي
قلبك حنون مش عادي
ياحنان مليون حنية
اياك تقولي ناسيكي
هايم وفكر فيكي
وكلامي كله عليك
عطشان ونتي المياه
انتي ال..ح ..وال..ب
احبك م الالف لل ي
وانتي اللي ساكنه القلب

حبك ده اجمل حب
شفتك وقلبي دب
عاشق في حبك طب
رافع ايديا يارب تكوني
يوم ليا
اكمل ولا خلاص
حجزتي قلبي خاص
دي النظره زي رصاص
رشقت بحنية
الخفه اخفف دم
تنسي العذاب والهم
سكر يدوب ف الفم
ملبن وهوريا
مش قادر اوصف كفايه

قمرایه جوه مرایه
بعشقك وانتي هوايه
سلام يا عسلیه
حبك عندي وضوء
عشت لعیونك ضوء
وطهاره في النية

طرز في طزين

طرز في طزين في ثلاث طرزوز

علي ايه نشيل ف الهم يادنيا ونلوي البوز
مش فارقه خلاص مهزوم من فوز
اعدل خيطك لو يوم لفت
عيشها شريف ولا تتلفت
مسيرها هتطري لو يوم جفت
صدقني هتحلا وتصبح لوز
علي ايه نشيل ف الهم يا دنيا ونلوي البوز

لحد إمتي؟؟

لحد امتي نقول في كلام مايبحصلشي
لحد امتي نبيع برخيص ماينفصلشي
ليه القلوب صابها العمى

شايفه الدموع علي الوش سايله
ومتحسهاش ولا تزعلشي

ما تعانديش

ما تعانديش
خلي الحياه جوه القلوب
تقدر تعيش

ماتعانديش

سيبي الفراق ع الباب يدق

ماتفتحيش

ماتعانديش

يا عمري كيف العند عندك

مبتتعيش

الحنين

الحنين جوانه عايش

والشقاوة لسه فينا

صحيح زمان كان

فكر طايش

بس افكرنا وحنينا

الفرقة مُرّة

مش هتفرق ابعدى

والفرقه مرّة

لعبوا ف دماغك ... اعندي

انتي حرة

بس لايمكن ترجعي
ولو فكرتي
هاقولك برة
انسي اللي كان
وانسي الزمان
وانسي الشوارع
والحيطان
حببتي ضاع الامان
لما هجرتي حبنا
والمكان
فاكره تاني هاقولك
اني بعشقتك
عايزه تاني تخذ عيني
و صدقك

انسي خلاص كل
اللي كان
انسي الحنان
وانسي الامان
وانسي حب عليكي هان
ومش هتفرق ابعدى
والفرقه مرة

مين ؟؟؟

مين حماكي ومين نساكي

ومين واقف علي الحدود

مين شراكي ومين رماكي

ومين ببسجد للمعبود

هوه بعد الجيش في جيش

والله بعد الجيش مفيش

هوه بعد الجندي جندي
والله هوه الجندي سندي
مين بيقتل ايدين بتحمي
مين بيهدر دمي ولحمي
غير خسيس وجبان وعيرة
غير حمار سايق حميره
هاروي يامصر بدمي

قمحك

وحقي ييجي عشان اسامحك

يامحلا روح العزة

روحك

حالف اصون ارضك وعرضك

اموت فداكي ويكفيني فرضك

لازم يا امي

تاخدي حقي بعد موتي
اوعي يا امي تزعلي
رافض سكوتي
دقي العزم يا مصر دقي
زلزلي الارض ب كيائك
للي مش عارف مكانك
وعرفيهم تبقي مين
جنودك يا مصر
مش ميتين
جنودك يا مصر مش ميتين

إفرحي يا أمي

إفرحي يا أمي بقيت شاعر
والناس بتقول عليا كويس
بس انا يا أمي كسراني مشاعر
من هم الدنيا شقيان وبكيس
يارتني يا أمي عيل صغير
أحبي وشكلي ياريت م تغير
ولا طلعي شنب ولا دقن

ابنك يا امي شعره شاب
وعجز وشبع من الدنيا حقن
ونفسه يرجع ينام ف حضنك
ويدمع دموع وبحرقه
نفسى اقولك ع اللي تاغبني
نفسى اسمعها بحبك يا بني
يا امي تعبت وهمي غالبني
ادعيلي يا امي ياريت ف صلاتك
ارجع طفل ولعب من تاني
يا امي طفولتي كثير وحشاني
اصحابي زمان مابقوش دلوقتي
الكل اتغير ب الساعه ووقتي
كنا زمان تجمعنا اشارة
نجري ونلعب جوه الحارة

ولا نعرف شاي ولا حتي سجاره
وكنا يادوب بنفك الخط
ماكوناش نعرف فار من قط
ولا طيب ولا حتي جبان
والله يا امي كان احلا زمان
زمان كان حب وكان امان
الشيب كتر وقل الحنان
وكان العشرة صبحت ولا كان
مركب بتكركب ولا فيها ريس
افرحي يا امي بقيت شاعر
والناس بتقول عليا كويس

تفكيرك عقيم

مين اللي قال انك بتفهم
وخذ كلامي زي ماتفهم
تفكيرك عقيم والله هاتندم
الفكر الراقى تحب ترحم
خليك جميل اسرح واحلم
ارمي السلام بالحب تسلم
خلي الكلام طيب وبلسم
خليك شاعر ياعم سمسم

هوي قلبك بلاش تكمم
سيب روحك تطير تشمشم
عبير الورد للود تكرم
حب التواضع وخليك ايجابي
واوعي تحكم علي حد غياي
من غير متعرف
اذاي يحابي
ماتشوفش نفسك
ولا تتفشخر
وياك لغيرك ب اللفظ تشخر
تذوق الذوق
ماتكونشي ابخر
الناس هاتقول عليك مرمرم
مين اللي قال انك بتفهم

وخذ كلامي زي ماتفهم
كون للطيب دايمن دليل
اياك في يوم للكره تميل
لو حد ضعيف ساعدة وشيل
ربك هيجبك وهتتحب
وزي ماسقيت
بكره هتشرّب
نفس الكاس وفين تهرب
ماتفوف من نومك
ياابن النيل
ممکن انا عن نفسي اغلط
ومين معصوم
بس بحاول اصحح غلطي
والجيب مخروم

نفسى اخيط قطع زمانى
نفسى افوق
انا من احزانى
نفسى ونفسى وفين القانى
تايه يمكن فى حد زمانى
انا فىن اخلاقى
من الاخلاق
انا ليه تفكيرى ده كله غباء
يارب كلامى ميضيعش هباء
يارب كلامى ميضيعش هباء

محصلش ولا هيحصل

محصلش ولا هيحصل
اني ممكن انسي هواك
دي كل ايدين وليها مفصل
تقع ايديا اكيد شيلاك
هاتلي همومك وفرح حبه
انسي جراحك عيش ب محبه
اوعي تحزن وانا معاك
محصلش ولا هيحصل
اني ممكن انسي هواك

اوعي تفكر انك منسي
دا انت حياتي فرحي وونسي
وانت الغالي وهاتفضل غالي
مهما الكون هايضيق حواليك
اوعي تمد لحد ايديك
ايديا هتوصل قبل العالم
اه لو تعرف عندي غلاك
كنت تطير وترفر فرحه
دنا انسي العالم ولا انساك
ومحصلش ولا هيحصل
اني ممكن انسي هواك
دي كل ايدين وليها مفصل عن
تقع ايديا اكيد شيلاك

بنتعلم

بنتعلم لما يتعلم علينا
وبنتعلم لما انجرحنا وحبينا
وبنتعلم ازاي الخطوه تاتا تاتا
اكيد هانقع بس هانكمل
ومهما هنتالم هانصبر ونتحمل
عشان الحياه نقدر نعيشها
لازم ندوق الملح في عيشها
غطانا سحب وكسوتنا خيشها
فرشتنا تراب وبالتراب نفرشها
نتكبر ليه وعلني بعض نتعالني

مش بالتكبر راح نبقي رجالة
ولا بالشهادة ولا بالفلوس
بالاخلاق وتأديب النفوس
ولسه بدري علينا العلام
خمسه وخمسه هيطلعوا كام
فين السبابه وفين الابهام
وهو كله كلام ف كلام ف كلام
وبنحلم نتعلم وننسي الاوهام
وياريت نتعلم خمسه وخمسه
يطلعوا كام

بالحب

ماهو الحب

الحب يلين الحديد

الحب يفرتك الحجر

الحب لوحتي بعيد

نوره اقوي من القمر

الحب يجمع الاعداء

الحب يزيل المشاكل

الحب مش حبت غباء

ولاحتي فاكهه بتتاكل

الحب وصفه مستحيل

الحب هدوء ونسيم وليل

الحب اجمل من مليون جميل

حاجه كدا متعرفهاش
بتحسها ومتشوفهاش
زي روحين في نبض قلب
دا قلب ميت اللي عمره ماحب
جاذبية بتجذب كل شيء في جسمك
جاذبيه بتلخبط وتنسيك اسمك
ماتعرفش تقول كلمتين اتنين
حلم حلمته في نين العين
حلم في دقيقه بيعدي ثواني
تفوق تتمني يرجع تاني
تفكر ازاي تخليه سعيد
لو بأديك متفرطش فيه
ولا تسيبه يروح لبعيد
ولو الزمان فرق ما بينك وبينه

وتحكم علي عينك متشفش عينو
اقفل قلبك وخليه حديد
مهما تشوف من جمال وحلاوه
عمر جراحك م راح تداوه
الا اذا رجع يلين الحديد
ويفتح القلب ويصبح جليد
صحيح الحب يلين الحديد
لو حتي افترقنا وبعدنا بعيد
صحيح الحب يلين الحديد

الله يعينك

الله يساعدك الله يعينك
عايزه تذودي في متابعينك
بس نصيحه بيني وبينك
حسي بقلبك تشوفي بعينك
ان الناس مش كلها واحد
خديها نصيحه قلبك جاحد
ما اعرفش اعاكس ولا عندي معاكسه
وهعاكسك ليه روعي جاتك وكسه
دا انتي هربتني من حرب النكسه
عادي بتحصل ودماعي اتقلب
لما عثمت وبعث الطلب
فاكراني سافل وقليل الادب
اول مره من حد اتغلب

توبه و عمري مهبعت تاني
اي طلب لست عجوزه
كسفه و احراج لما بعث
وتدخلقت في قشرت موزه
اللي عايزني يبعث هوه
انا حرمت ابعت طلبات
تقولو غورور تقولو اناني
عمري ما هبعث للستات
لو كارمتها عندها حاجه
انا كرامتي عندي حاجات
بصي وشوفي الشيب ف دماغي
بالذمة ده حد يعاكس ستات
انا يا بنتي عجوز و مكحك
فاحت قبيري ومستني ممات

كنت زمان ممكن بتشاقه
بس خلاص العمر ده فات
انا دلوقتي همي افضفض
وزرع ورد وكمان كرات
واللي تحبني وناقه قديمه
تتفضل تبعت طلبات
عمري ما هكسف حد بعثلي
بيقول اصيل والناس مقامات
صحيح انا سني صغير حبه
بس انا قلبي من 100 سنه مات
عايش بس بقلمي وعقلي
بسطر حزني ف الكراسات
واخر كلمه بقولك شكرن
ومين بيصاحب انسان مات

والله يساعذك الله يعينك
عايزه تذودي في متابعتك

هاتي طبلة

هاتلي طبله
و واحدة هبله
في وسط رقصة
ماتسوى ذبله
هاتلي عرض
بور ف ارض
فاكرة ان الهزه
فرض
علي وحده ورض
كلامي
مستقبل مقتول قدامي
هزه غزه
بركه نزه
فين الكرامه

فين المعزّه
فين التاريخ
بلاش تلبّيح
دي كل شيشه
عيزالها سيخ
داري اللي بان
صون اللسان
صون الحلاوه
ارمي اللبان
وبلاش تطرق
للهدمه ارقع
يارب تنفع
لوكنت تسمع
وخذ كلامي علي

وحده و رص
قرب وبص
في جنيه وفي نص
خليك جنيه ياعم البيه
اخيه علي التقسيم اخيه
راجل محزق
عايش مهزق
ديان ملزق
من غير شهامه
فين الكرامه
يا الله السلامه
يا الله السلامه
يارب الطف
ذيل الغمامه

هاتلي طبله
وواحد هبله
في وسط رقصه
ماتسوى ذبله

عشت لعيونك أغني

عشت لعيونك أغني
دمعه نازله غصب عني

كنت منك و انتي مني
انتي حبي و انتي النني
انتي لحنى وبالتأني
انتي عمري و انتي سني
انتي حاضر و انتي ماضي
انتي طير كل الاراضي
انتي فرحه تمحي حزني
وتجدد حياتي تاني
انتي دقت قلب باقيه
طول زماني
انتي كاني و انتي ماني
انتي كياني
مهما اقول و اوصف قليل
حاسس اني ببتيدي وف الحب عيل

ياقمر والليل يليل
ياعسل عمال يسيل
ياقوام قوم وقعد
ياغزال تناديه بيبعد
ياصبيه يازينة البنات
يانقيه يا سكر نبات
يافنوني يا اصل فني
انا لسه لعيونك باغني
ومسح الدمعه من عنيه
عشت طول العمر احبك
وحبك انتي ما كنش ليا
لسه صورتك جوه قلبي
ساكنه روعي وف عنيه

خيط و إبرة

خيط و إبرة ومسلة
ياخيط ف مين هتسلة

المسله هتتحمل اكثر
لا الابره ف الغلة
خيظ خشوم الادلة
وحط السم ف الحلة
اعجن همومنا و اتسلى
غرق وزيد الطينه بلة
شباب يعيش مرتاح كلا
هلال احزان وقلوب هلة
علي عمرهم الموج علة
تسقيف ع الخد يا شلة
الدبله ضاعت والحلق
والدقن كبرت مين حلق؟؟
ده الحلم رايح يندفن
كل حلمه كان القروش

بس القروش ما بيرحموش
ومفيش ايدين ف الكون
تحوش نهش القدر ؟؟؟؟؟
ومين لخواه يعيش قدر
الحلم ع القبر اتبدر ؟؟؟؟
يا مركبي مين غدر
الدمعه ترخص للغوالي
حالك يا اخويا هوه حالي
حلم ضايع ف العلامي
يا خساره زمن الراحه ولى
عليل ورايح للطبيب
قال يا طبيب طبطب عليا
رد الطبيب علي شان تطيب
تدفعلي 100 وتزيد شوية

قال المريض حالي حضيض
وما املكش غير الجلابية
رد الطبيب ممكن تخف
بس لازم تعيش ب كلية
قال المريض مش هاتفرق
عادي اعيش احسن م اموت
كان فاكر انه يعيش ومات
اه يا دنيا المهملات
خربت بيوت
احلام لب واللي عايز يتسلى
خيطة وابره ومسلة

مين اللي يقدر

مين اللي يقدر يهزمك
دا انتي العزيزه ونرسمك
علي صدرنا ونحزمك
مين اللي يقدر يقسمك

يكفيكي شر المفتري
واللي لغيرك يشتري
وارقصي واتمخطري
وبانتصارك فكري
والبادي اظلم ده لو بدا
صدي هجوم كل العدا
انظار للعدو احنا كدا
نلبي النداء للوطن لو ندا
مصر الحضارة والامان
مصر المهارة والكيان
مصر العفيه والمكان
غيرك اشطر يا جبان
ك** ي ** ا**ن

من إحساسك

إهداء للشاعر إبراهيم القاضي

من احساسك بتعلم

يالسان الحق بيتكلم

بيحس بغيره ويتألم

قسما بالله انت معلم

اشعارك ماء زمزم
يشربها العالم يفهم
كلماتك تنطق الالبكم
تسلم و نبضك يسلم

فيضان احساسك نبع
ياعجايب الدنيا السبع
ياقاضي بالحق ياسبع
يا محارب كل الضيع

يا وطني يا ابن مصر
يا مجبص للناس كسر
يا ساجد ظهر وعصر
يا اساس تحقيق النصر

يا مطبب ع الغلبان
ياملاك ف قلب انسان
يا حنون واحن حنان
يا عم القاضي يافنان

المال

ناس تشوف المال بتميل
وناس تشوف الميل بتمل
وناس تحب الوجه جميل
وناس تحب تراضي الكل
وناس تعشق باليل مواويل
وناس تكره لبعض الظل

وناس تمشي والجسم عليل
وناس تفرح وتدهن جل
وناس جرحى والدم يسيل
وناس تربط وناس بتحل
وناس بتشرب ف الفناجيل
وناس بتشرب كدام القل
وناس تكيل بنفس الكيل
وناس الكيل عندها بيكل
وناس بتفهم لجام الخيل
وناس محتاره تربط عجل
وناس شايله حمل ثقيل
وناس شروش ربطه فجل
وناس كتير عايزه التحاليل
وناس تعكز ومكسوره الرجل

ناس تشوف المال بتميل
وناس تشوف الميل بتمل
وعجبي

غلطان

شلت الشوك واكلك تيني
وعشان النحله حببت العسل
غلطان لما افكرتك تحبيني
وعشان غلطان قلبت المثل
يبقى خلاص ياريت تسيني
وانا هنساكي ولاشيئ حصل

عادي نيران الشوق تكويني
هخبي دموعي وقولك بصل
انا كنت فاكرك قطره لعيني
تمحي همومي واجبك وصل
عارفه ليه عايش بانيني
عشان حبيتك يا عسل النحل

ناس وناس

في ناس معدومه الاحساس
وكلامها ماسخ ذيتها
لابسة ب العكس اللباس
وتقول الكلمه ولا تحسها
سوس مع بكتريا انفاس
تقرب من بقه تشمها
ابحت للكلمه وحط اساس
لغتنا جميله ياريت حبها

مش بس مثقف كدا ف الراس
روح للمعلومه ولا تنده لها
دا العلم في الطبع مش في الكراس
وذا كان علي الفهم ف منك سها
دقيت الجرس دقيتك اجراس
الفكر يوصل للاه منتهى
مافهوش وسايط ياعم الترياس
مربوطه دماغك ياريت حلها
لو تفهم صح تتشال ع الراس
حب المعلومه تاخذ قلبها
ب الكلمه الصح هتعمل فاس
يقطع اشجار الشوك كلها
يطرح العلم ويروي الناس
والجهل يكون من الفكر انتهى

تصبح حياتنا مسك انفاس
وتعيش بلادنا مفيش زيها

شارب من كيعاني

شارب من كيعاني
ومفيش عندي تكايه
حتي كلامي والحاني
رواسب في قعر الكبايه
ماعرفش زماي عماني
ولا عارف ايه الحكايه
حتي الحبيب نساني
منا منسي من البدايه
وصبحت جنيه براني
ورموه في الغلايه
شارب من كيعاني

ومفیش عندي تكايه

خف شوية

خف شويه من المشاريع

وفكر ياخي في الغلبان

ارحم اولادنا عايزين ريع

ليه بس الحظ مننا هربان

مين يشتري احلامنا نبيع

غلبتوا علينا حتي الدخان

بعنا هدمنا ايه تاني نبيع

واللقمه بعیده عن الانسان

والمياه بتيجي يادوب ندابيع

والريق ناشف يا عالم حران

عارفينك وطني وكمان بديع
بس لامتي نعيش حرمان
كبت وفقر وكثير كلاكيع
فيينا الجاهل وفيينا الفنان
بنحلم يوم نعيش في ربيع
ونفرح ولو مره الزعلان
كل ما نقدف نغرق تاني
ياخي ملعون ابو الغلبان

اشتياق مع كبرياء

اشتياق مع كبرياء
مني اليك ها قبل عزاء
قلبي اللي مات من سكات
طويل ما بينا وكان سماء
وغيوم تنزل دمعها علي
الفراق شفتك لمحتك
الارض شبت من جديد
ونبتت لكن قتلها الكبرياء
حطم حياتها وضلها في
في ظلها راح قالها
مش ناقصه فقر

سمعت كلامه

البت لما قلها راحت تدور

ع الفلوس ويا السعاده

وسابتلي فقري والكابوس

والقهوه ساده بس نسيت

اني زمان كنت بمسح دمعها

اشتياق مع كبرياء

مني اليك ها قبل عزاء

ياللي بتشوفني في كلامي قلها

الكبرياء ويا الغرور هوه اللي

دمر قلبها روح قلها كلمتين

من قلبي ليها تخصصها

روح قلها انا هابني نفسي

وبكره جاي وهابقي احسن

منها روح قلها كل الكلام
ويا الملام والضربه جايه منها
رشقت في قلبي رصاصه
طائشه وكل ذنبي بحبها
نسيت كثير بس لازم افكر
لو فيكي خيرانا كنت عندك اتذكر
مش دي جزاتي اني منك اتحكر
دنا يامه بعث حجات عشانك
ليه خلّيتيني اكون نشانك
خلاص كفايه وقفلي عني بيبانك
خلاص ياقلبي هافتح الباب الجديد
اشتياق مع كبرياء
مني اليك هاقبل عزاء

سهران

سهران بفضفض للقمر
وبحكيه بعض اوجاعي
راضي بنصيبي والقدر
وشكي لمين مافيش داعي
ضاع الشباب ويا العمر
والحمل شلته علي دراعي
شيله ثقيله ومرار امر
والبرد صديقي و انا ساعي
راكب مراكب زي الهمر
والموج عاكس حتي شراعي

والجفن دبلان من السهر
في ليل دراويش مدد يارفاعي
كبر الولد وضعف النظر
والمنتظر بعيد ولابيراعي
كام مره نكتب نعبير للبشر
وكثر الكلام ملوش داعي
سهران بفضفض للقمر
وبحكيه بعض اوجاعي

مولود على الفطرة

مولود علي الفطره والحب مستنيه
رسم حروف الالم ولا غيره حس بيه
عشيم حسبها غلط والدنيا تلعب بيه
شال كتير الظلظ من غير ما يفهم ليه
اتاربه عشيم الولد والكل جاي عليه
حتي اللي قال ينصفه طلع بيثمت فيه
عشيم حسبها غلط وهو درس ويعلم
كاتم في نفسه الكلام طب امتي يتكلم
وزاي يعيش الحياه من غير ما يتألم
والناس قلوبها حجر تضحك تقول خليه
يدوق العذاب والألم حيوان وبتربيه
قوليلي امتي يا دنيا الفقري هتحيبيه
حرام كفايه عليه ده عمره حلتبييه

عاش سنين شيال حرام يعيش يوم بيه
وزاي يدوق العسل والحلق مررتيبيه
لو يوم ينام من التعب البصل مستييه
نفسه يشرب شاي سكر زياده حلبيبيه
والله حلمه بسيط ودي دقني لوحقتيبيه
مولود علي الفطره والحب مستنيه

عارف

عارف اللي في يوم نساني لسه قلبي مش ناسيه
كل م احاول احب تاني بضعف وقلبي يحن ليه

غصب عني مش بخاطري ضعت وماصعبتش عليه
ده جزاء الحب الصادق يترمي وندوس فوقيه
عارف انك نبض قلبي ولا حبك عندي ايبويه
حبك انتا كل حاجه وحلمي يوم اللمس ادبييه
ولسه بحلم ومش هسلم درجه درجه لآخر السلم
ساكت سنين وسنين هتكلم لسه الحب ف قلبي معلم
احساس جميل ونا بتألم لا وبيقولوا اني ناسييه
وكل م احاول احب تاني اضعف وقلبي يحن ليه
اللي مفكر اني قليل يبقي عبيط
واللي مفكر اني بجامل ناس شخابيط

عمري ما اجامل

انا عمري م اجامل حد

وكلامي ده زي السيف
في وقت الجد جد
وف وقت الزيف زيف
صادق في كلامي بجد
شاطر فاهم حريف
مع ان العيشه ع القد
انا حلمي حلم كفيف
حلمي اشوف البشر
تقسم مع بعض رغيث
وتبني ف اللي تهد
ولا تمشي يوم ب الكيف
ده البحر جزر ومد
في ناس محتاجه تعريف
افهم يا صاحبي الود

الشتا مش زي الصيف

ليه عايش مستبد

نظف فكرك تنظيف

مش كله ينفع شد

ولا بكلمه يبقي شريف

ده ياما غيرك هد

وصرف كتير تكاليف

مسمرنا الباب وترد

بلا كبر بلا بولوبيف

دنيا

دنيا بتدي اللي مش عايز

لا وبتكافئه وتديله جوايز
حظه جميل يمكن جايز
وعشان قرشه بيكون فايز
بس ليه تيحي ع الغلابه
سؤال نفسي اعرفله اجابه
امتي الغلبان يعيش شبابه
اه يادنيا للمرتاحين حلابه
مش حسد ربنا يزيد الجميع
ما تبيع يا فقري احلامك بيع
مين يشتري منك احزانك
مين يقدر يعيش نفس مكانك
تقدر تعد كام واحد جرحك وهانك
وداس عليك ودمر اركانك
ولا تفرق معاهم جروحك

مهما تنادي ويصرخ بوحك
كلب وراح لو تطلع روحك
مكتوب عليك تعيش متكرر
مهما تكافح؟؟؟مش متقدر
وقال ايه انسان تافه وملوش لازمه
اه يا نعال مع فردة جزمه
اطمع كوش في شقايا وعيش
خد احلامي و ارميلي بقشيش
اسرق قوتي وقوت اولادي
حاجه بسيطه وده شىء عادي
اصرخ زعق فضفض نادي
مكتوم صوتك ومش مسموع
حبل الود صبح مقطوع
انسان لكن صبح ممنوع

يبقي اتيل ونام بالجوع
دنيا غريبه واحلامنا عجايز
دنيا بتدي اللي مش عايز
لا وبتكافئه وتديله جوايز

الجمال عمره ما نخ

عشان تبني البلد

ف لا بد تستحمل

لو عاب فيك الولد
بكره يفهم بس كمل
كمل وسيب اللي يقول يقول
الجمل عمره ما ينخ من كتر
الحمول
وجميك بكره في يوم هييان
يعرفه بس الشعب الغلبان
واللي بيعيب هيصبح حبيب
وهايهتف ليك ولانجازاتك
كل اللي بيقول عليك غلط
هاييجي يوم ويقولك صح
المسئليه تقيله عارف
حمل جبل لو جيت تحتيه
بس شهامتك تخليك حالف

تمشي طريقك والشوك فيه

كان الله في عونك

كان الله في عونك

فين الرجال

راحت رجال العز

والنص صبح مربوط

يمشي مقصع ويهز

والعرض صبح مفروط
ملعون رضوع البز
جايب راجل مخلوط
غور من جاري فز
اماشي راجل مظبوط
بركه وكثر الوز
والحيا صبح مشروط
راحت رجال العز
والنص صبح مربوط

مسروقة أحلامنا

مسروقة احلامنا وكتاباتنا
من ناس حراميه وناس ننته
وبكل برود ياخدوا حاجتنا
جربوا كدا عيشوه عيشتنا

مسروقه احلامنا ليه ما اعرفش
من غير الشقه هانرمي العفش
قصبك معصور وعليه ماتخفش
دي الرقعہ بتبان ف الجلابيه
بس الناس عامله مابتشوفش
نصف في الدنيا ولم الطفش
مسروقه احلامنا ليه ما اعرفش

مسروقه اشعاري وقال ايه عادي
من واحد اسمه عبد الهادي
مختار يختار قرعه حادي بادي
ما تفوق من نومك يابن بلادي

محاولة

محاولة وليست تحدي
وليس ما عندكم ما هو عندي

ماذا قالوا أحبابنا عنا
وكيف رفرق القلب وغني
العمر اصبح كل شئ

والعقل بالتفكير تهنا
اخبروهم انني مغرم حتي النخاع
عرفوهم انني لا اسوي بعده قرش صاغ
أخبروهم بما قالت وعادت
عن شقائي وحيرتي
عن صباي وشيختي
عن حنين كل السنين
عن جروحي ولوعتي
انا الذي احببت عمري ولن انول
انا الذي كسوت قلبي بالحديد ولم اقول
اخبريهم عرفيهم ماذا قالوا
هل حبي حرام ام حلال
هل كنت صادق ام كذوب
ام كنت ماذا

هل عشت عمري

هل نلت املي

هل كان بيني وبين حظي اي اقتراب
ام عشت مدفون شبابي تحت التراب
انا لست شاعر ولكني اشعروانطق
علي حد علمي والمبادئ عدل ومنطق

فلا تلوموا عاشق فقد الكلام

ولا تذبخوا يوم اسراب الحمام

يكفي ان تعيش حياة الانعدام

فلا تلومو مغرم عرف الغرام

واخر كلامي تقبلوا مني السلام

وماذا قالوا احبابنا عنا

محاولة وليست تحدي

وليس ما عندكم ما هو عندي

كانت

كانت نور عنيه وضاعت
وسابتني في وسط العتمه
اشتريت وهيا اللي باعت
وسابت قلبي مكتوم كتمه
لو بس كانت للود راعت
والله قلبي يستاهل شتمه
طز في حبك وطز في عيني
ومليون طز لو كنتي هتحييني

اصل كرامتي ماتسمح اني
لاهضعف ليكي ولا هتذليني
مش بالعافيه ها اقول حبيني
ولا راح تنزل دمعة عيني
كفايه عمري ضاع وسنيني
انا اخدت ايه من حبك انتي
غير جراح والام وحيره
بس خلاص علي اصلك بنتي
وطلع حبك من غير تسعييره
تعرفي ايه انتي عن الحب
انسانه طايشه ولسه صغيره
اه يا قلوب فلصو وعيره
اساس الحب يكون تقديره
ود ورحمه حنان واخلاق

مش رز ولحمه وضحه نفاق
كلامي حقيقي يفهمه مين داق
الحب الصادق والاخلاق
دقت قلب ونبض حقيقي
عطشان وبكلمه تبلل ريقي
ياخسارة الضحه صبحت كذب
وكانت نور عنيا وضاعت

عايزه ايه

ايه يادنيا عايزه ايه
مش كفايه تعبي فيكي
كل شوكتك دوست عليه
انسيني مره الله يخليكي
مفيش غيري يعني بتحبيه
ولا انا فقري ومتعلق بيكي
رجاء يادنيا المنسي انسيه
دنا اكرت واحد سهر ليايكي
نفس ارتاح والههم ارميه

حرام كفايه ابوس اديكي
عادي الماضي بحزنه امحيه
نفس انا ابدأ وبقي ناسيكي
مرسيه يادنيا كفايه مرسيه
ايه يادنيا عايزه ايه
مش كفايه تعبي فيكي
كل شو كك دوست عليه
انسيني مره الله يخليكي

أبدأ منين ???

ابدأ منين انا الحكاية
والحكاية منتهيا
وصلتيني للنهاية
طز فيكي وطز فيا
يفيد بابه كلامي ليكي
الاحسن اسكت وما اتكلمش
رموز كتير كانت عليكي
ونا اصلي جاهل وما بتعلمش
مع السلامه يا احب عمري

كسرو جنحانك يا طير
قلبي اصبح تحت امري
انساه يا قلبي وعيش امير
اللي ضاع عليه شبابي
حب مين ويسوا ابيه
عمره يوم حس بعذابي
طز ف الحب اللي فيه
لو هاموت انا مش هافكر
ان حبك يبقالى مرسا
مهما عقلي في يوم يتعكر
هقوي وعاند وعدي الكرسة
مع السلامه والقلب داعيلك
اخر مره انا هاخذ مقلب
خلصت الدمع ف مناديلك

ف كان لازم منك اهرب
ابدأ منين انا الحكايه
والحكايه منتهيا
وصلتيني للنهايه
طز فيكي وطز فيا

الفهرس

- 1 - بطاقة الكتاب 2
- 2 - الإهداء 3
- 3 - فاكربي 4
- 4 - و عجبى 6
- 5 - أصلامى 7
- 6 - دوغرى 8
- 7 - حبك وضوء قلبى 10
- 8 - طز فى طزىن 15
- 9 - لحد إمتى 16
- 10 - ما تعاندىش 17
- 11 - الحنىن 18
- 12 - الفرقة مرة 19
- 13 - مىن ؟ 22
- 14 - إفرحى يامه 25
- 15 - تفكبرىك عقىم 28

- 16 - ما حصلش و لا يحصل 32
- 17 - بتتعلم 34
- 18 - بالحب 36
- 19 - الله يعينك 39
- 20 - هاتي طبلة 43
- 21 - عشت لعنوانك أغني 47
- 22 - خيط و إبرة 50
- 23 - مين اللي يقدر 54
- 24 - من إحساسك 56
- 25 - المال 58
- 26 - غلطان 60
- 27 - ناس و ناس 62
- 28 - شارب من كيعاني 64
- 29 - خفي شوية 65
- 30 - إشتياق مع كبرياء 67
- 31 - سهران 70

- 32 - مولود على الفطرة 72
- 33 - عارف 74
- 34 - عمري ما اجامل 75
- 35 - دنيا 77
- 36 - الجمل عمره ما نخ 80
- 37 - فين الرجال 82
- 38 - مسروقة أحلامنا 84
- 39 - محاولة 86
- 40 - كانت 89
- 41 - عايزة إيه 92
- 42 - أبدأ منين 94